

ЎЗБЕКИСТОН РЕСПУБЛИКАСИ
ПРЕЗИДЕНТИНИНГ

ҚАРОРИ



ПОСТАНОВЛЕНИЕ

ПРЕЗИДЕНТА
РЕСПУБЛИКИ УЗБЕКИСТАН

2017 йил „ 10 “ октябрь

№ ПҚ-3318

„ _____ “ _____ 20 _____ г.

Фермер, деҳқон хўжаликлари ва томорқа ер эгалари фаолиятини янада ривожлантириш бўйича ташкилий чора-тадбирлар тўғрисида

Ўзбекистон Республикаси Президентининг “Фермер, деҳқон хўжаликлари ва томорқа ер эгаларининг ҳуқуқлари ва қонуний манфаатларини ҳимоя қилиш, қишлоқ хўжалиги экин майдонларидан самарали фойдаланиш тизимини тубдан такомиллаштириш чора-тадбирлари тўғрисида”ги 2017 йил 9 октябрдаги ПФ-5199-сон Фармони ижросини таъминлаш мақсадида:

1. Ўзбекистон фермер, деҳқон хўжаликлари ва томорқа ер эгалари кенгашининг асосий вазифалари ва фаолият йўналишлари этиб қуйидагилар белгиланганлиги маълумот учун қабул қилинсин:

фермер, деҳқон хўжаликлари ва томорқа ер эгаларининг ҳуқуқлари ва қонуний манфаатларини, шу жумладан давлат ва хўжалик бошқаруви органлари, маҳаллий давлат ҳокимияти органлари, тайёрлов, таъминот ва хизмат кўрсатиш ташкилотлари билан муносабатларда, назорат қилувчи органлар томонидан текширишлар ўтказиш жараёнида ҳамда судларда ишларни кўриб чиқишда ҳимоя қилиш;

фермер, деҳқон хўжаликлари ва томорқа ер эгаларига қишлоқ хўжалиги маҳсулотларини етиштириш, қайта ишлаш, сақлаш ва сотиш ишларида, шу жумладан агротехник тадбирларни амалга оширишда ҳамда шартномалар тузишда, маҳсулотларни ташқи бозорларга экспорт қилишда ҳар томонлама қўмаклашиш;

қишлоқ хўжалигида шартнома интизомини мустаҳкамлаш, фермер, деҳқон хўжаликлари раҳбарлари ва томорқа ер эгаларининг ҳуқуқий саводхонлиги ва маданиятини ошириш, аграр соҳада меҳнат муносабатларини такомиллаштириш бўйича комплекс чора-тадбирларни амалга ошириш;

фуқароларнинг ўзини ўзи бошқариш органлари билан биргаликда самарали фаолият юритаётган фермер, деҳқон хўжаликлари ва томорқа ер эгаларини рағбатлантириш, фаолиятида камчиликларга йўл қўяётган ер эгаларига нисбатан жамоатчилик йўли билан таъсир чораларини кўриш;

соҳада замонавий ресурстежовчи илғор агротехнологияларни, муқобил энергия воситаларини, шунингдек инновация ва ахборот-коммуникация технологияларини кенг жорий этишга қўмаклашиш;

кўп тармоқли фермер хўжалиklarини ривожлантиришга ва ҳар томонлама кўллаб-қувватлашга кўмаклашиш, улар учун қулай ишбилармонлик муҳитини яратишда бевосита иштирок этиш;

чорвачилик, паррандачилиқ, балиқчилик, асаларичилик ва бошқа соҳаларга ихтисослашган фермер хўжалиklarини ривожлантириш юзасидан амалий чоралар кўриш, мазкур йўналишларда фаолият юритаётган намунавий фермер хўжалиklarининг тажрибаларини кенг оммалаштириш;

қишлоқ хўжалигида ҳуқуқий, иқтисодий, молиявий, агротехник ҳамда бошқа масалалар бўйича консалтинг хизматини, шунингдек маҳсулотни ишлаб чиқариш, харид қилиш, қайта ишлаш, сотиш, таъминот ва хизмат кўрсатиш бўйича фермер, деҳқон хўжалиklари ва томорқа ер эгаларининг бошқа ташкилотлар билан кооперациясининг турли шакллариини ташкил этиш ва кенгайтириш, бу соҳада илғор хорижий тажрибаларни жорий этиш;

қишлоқ жойларда аҳолининг деҳқончилик маданиятини юксалтириш, уларнинг экин майдонларидан самарали фойдаланиш, шахсий манфаатдорлиги ва масъулиятини ошириш юзасидан кенг камровли тарғибот ишларини олиб бориш.

2. Куйидагилар:

Ўзбекистон фермер, деҳқон хўжалиklари ва томорқа ер эгалари кенгашининг ташкилий тузилмаси 1-иловага мувофиқ;

Ўзбекистон фермер, деҳқон хўжалиklари ва томорқа ер эгалари кенгаши ижро аппаратининг тузилмаси 2-иловага мувофиқ;

Қорақалпоғистон Республикаси, вилоятлар ва туманлар фермер, деҳқон хўжалиklари ва томорқа ер эгалари кенгашлари ижро аппаратларининг намунавий тузилмалари 3 ва 4-иловаларга мувофиқ;

Қорақалпоғистон Республикаси, вилоятлар ва туманлар фермер, деҳқон хўжалиklари ва томорқа ер эгалари кенгашлари ижро аппаратлари ходимларининг чекланган сонига нисбатан тоифаланган ҳудудлар ва туманлар рўйхатлари 5 ва 6-иловаларга мувофиқ маъқуллансин.

3. Фермер, деҳқон хўжалиklари ва томорқа ер эгалари кенгашларига куйидаги ҳуқуқлар берилсин:

халқ депутатлари туман Кенгашлари, фуқароларнинг ўзини ўзи бошқариш органлари йиғилишларида фермер, деҳқон хўжалиklари ва томорқа ер эгаларининг экин майдонларидан фойдаланиш самарадорлигини муҳокама қилишда иштирок этиш ва ўз хулосасини тақдим этиш;

фермер хўжалигини ташкил этиш истагини билдирган талабгорларни танлаш, уларнинг захирасини шакллантириш, малакасини ошириб бориш ва улар орасидан муносиб номзодларни ер участкаларини бериш (реализация қилиш) масалаларини кўриб чиқиш бўйича туман комиссиясига тавсия қилиш;

Ўзбекистон ёшлар иттифоқи билан биргаликда ёшларга фермер ва деҳқон хўжалиги юритиш учун ер участкалари ажратиш ҳақида ер участкаларини бериш (реализация қилиш) масалаларини кўриб чиқиш бўйича туман комиссиясига тавсиялар бериш;

фермер ва деҳкон хўжалиklarини юритиш учун ер участкаларини ажратиш юзасидан ер участкаларини бериш (реализация қилиш) масалаларини кўриб чиқиш бўйича туман комиссиясига хулосалар киритиш;

фермер, деҳкон хўжалиklари ва томорка ер эгалари манфаатларини кўзлаб судга давлат божи тўламасдан даъво аризалари, давлат ва хўжалик бошқаруви органлари, маҳаллий давлат ҳокимияти органларининг қарорлари, уларнинг мансабдор шахслари хатти-ҳаракатлари (ҳаракатсизлиги) устидан шикоятлар тақдим этиш;

фермер, деҳкон хўжалиklари ва томорка ер эгаларининг ҳуқуқлари ва қонуний манфаатларини ҳимоя қилиш мақсадида давлат ва хўжалик бошқаруви органлари, маҳаллий давлат ҳокимияти органлари, фуқароларнинг ўзини ўзи бошқариш органлари, бошқа ташкилотлардан қонун ҳужжатларида белгиланган тартибда зарур маълумотлар, ҳужжатлар ва материалларни сўраб олиш.

4. Белгилансинки:

фермер, деҳкон хўжалиklари ва томорка ер эгаларининг ҳуқуқлари ва қонуний манфаатларига тааллуқли норматив-ҳуқуқий ҳужжатлар лойиҳалари мажбурий равишда Ўзбекистон фермер, деҳкон хўжалиklари ва томорка ер эгалари кенгаши (кейинги ўринларда Кенгаш деб юритилади) билан келишилиши шарт;

Кенгаш раиси лавозими бўйича “Агробанк” акциядорлик тижорат банки кенгашининг таркибига киритилади;

Қорақалпоғистон Республикаси, вилоятлар ва туманлар фермер, деҳкон хўжалиklари ва томорка ер эгалари кенгашлари раислари тегишлилиги бўйича Қорақалпоғистон Республикаси Вазирлар Кенгаши раиси, вилоят ва туман ҳокимларининг фермер, деҳкон хўжалиklари ва томорка ер эгалари фаолиятини ривожлантириш масалалари бўйича маслаҳатчиси ҳисобланади ҳамда мақоми бўйича уларнинг ўринбосарларига тенглаштирилади.

5. Туман фермер, деҳкон хўжалиklари ва томорка ер эгалари кенгашлари ҳузурида фермер, деҳкон хўжалиklари ва томорка ер эгаларига **комплекс хизмат кўрсатиш марказлари ташкил этилсин.**

Марказларнинг асосий вазифалари этиб қуйидагилар белгилансин:

кишлоқ хўжалиги маҳсулотлари ишлаб чиқарувчиларга консалтинг хизматларини кўрсатиш, шу жумладан ҳуқуқий, иқтисодий, технологик соҳаларда маслаҳатлар бериш, бизнес-режалар тузишда кўмаклашиш;

ишлаб чиқарилган кишлоқ хўжалиги маҳсулотларини ички ва ташқи бозорларда реализация қилишда воситачилик хизматларини кўрсатиш;

фермер, деҳкон хўжалиklари ва томорка ер эгаларига шартнома асосида зарур моддий ресурслар, уруғ ва кўчатлар, таралар, техника ва бошқа воситаларни етказиб бериш;

банк кредитлари, халқаро ва хорижий молиявий ташкилотларнинг кредит ва грантларини жалб қилиш бўйича маслаҳат хизматлари кўрсатиш;

кишлоқ хўжалиги соҳалари бўйича белгиланган тартибда қайта тайёрлаш, малака ошириш ўқув ва амалий курсларини ташкил этиш;

фермер, деҳқон хўжаликлари ва томорқа ер участкаларида кишлоқ хўжалиги маҳсулотларини етиштириш, тайёрлаш, саклаш, қайта ишлаш, экспорт қилиш ва хизмат кўрсатишда кооперация муносабатларини ташкил қилиш бўйича хизматлар кўрсатиш.

6. Белгилаб қўйилсинки:

барча фермер, деҳқон хўжаликлари ва томорқа ер эгаларининг экин майдонларида уларнинг таклифларини инобатга олган ҳолда кишлоқ хўжалиги маҳсулотларини етиштириш бўйича прогноз ҳажмлар белгиланади;

ҳар йили 1 февралгача фуқароларнинг ўзини ўзи бошқариш органлари раислари ички ишлар органларининг профилактика инспекторлари билан биргаликда уйма-уй юриб, ҳудуддаги деҳқон хўжаликлари ва томорқа ер эгаларининг экин майдонларини хатловдан ўтказди, уларда йил давомида экиладиган экин турлари ва етиштириладиган маҳсулот ҳажмларини оила эҳтиёжи ва сотиш учун мўлжалланган қисмларга ажратган ҳолда аниқлайди, маҳсулот етказиб бериш бўйича шартномалар тузилиши, экинларнинг тўлик ва сифатли экилиши, агротехник тадбирларнинг ўз вақтида амалга оширилиши юзасидан жамоатчилик назоратини ташкил этади;

якка тартибда уй-жой қуриш ва уй-жойни ободонлаштириш учун берилган ер участкаларининг томорқа қисмида асоссиз равишда кишлоқ хўжалиги экинлари экмаган ёки уни ободонлаштирмаган ер эгаларига нисбатан белгиланган ер солиғи ставкасининг уч баробар оширилган миқдори қўлланилади;

деҳқон хўжалиги юритиш учун уй-жой қуриш ҳуқуқисиз берилган ер участкаларида кишлоқ хўжалиги экинлари экмаган ер эгаларининг ер участкасига бўлган ҳуқуқи қонун ҳужжатларида белгиланган тартибда бекор қилинади.

7. Фермер, деҳқон хўжаликлари ва томорқа ер эгалари фаолиятини янада ривожлантириш, уларнинг экин майдонларидан самарали фойдаланишни ташкил этиш бўйича чора-тадбирлар дастури 7-иловага мувофиқ тасдиқлансин.

Дастурда назарда тутилган тадбирларнинг ўз вақтида ва сифатли бажарилиши юзасидан вазирлик ва идоралар раҳбарлари зиммасига шахсий жавобгарлик юклансин.

8. Қорақалпоғистон Республикаси Вазирлар Кенгаши, вилоят ва туман ҳокимликлари фуқароларнинг ўзини ўзи бошқариш органлари билан биргаликда:

ҳар йили кейинги йил ҳосили учун экин экишдан бир ой олдин фермер хўжаликлари кесимида, контурлар ва экин турлари бўйича, тупроқ, иқлим, сув шароитидан келиб чиқиб, камида икки марта ҳосил олинишини ҳисобга олган ҳолда кишлоқ хўжалиги экинлари жойлаштирилишини таъминласин;

ҳар йили 15 февралгача барча деҳқон хўжаликлари ва томорқа ер участкалари кесимида етиштириладиган маҳсулотларнинг прогноз ҳажмларини фуқароларнинг ўзини ўзи бошқариш органлари қарорлари асосида тасдиқланишини ташкил этсин.

9. Ўзбекистон Республикаси Қишлоқ ва сув хўжалиги вазирлиги, Адлия вазирлиги, Ер ресурслари, геодезия, картография ва давлат кадастри давлат қўмитаси, Давлат солиқ қўмитаси Кенгаши, Қорақалпоғистон Республикаси Вазирлар Кенгаши, вилоят ва туман ҳокимликлари, фуқароларнинг ўзини ўзи бошқариш органлари билан биргаликда:

фермер, дехкон хўжаликлари ва томорқа ер эгаларининг улгуржи истеъмолчилар, шу жумладан тайёрлов, қайта ишлаш ва экспорт килувчи ташкилотлар, агрофирмалар, савдо харид корхоналари билан маҳсулот етказиб бериш тўғрисида, бозор маъмурияти билан эса етиштирилган маҳсулотни бевосита бозорда чакана сотиш тўғрисида шартномалар тузилишини тизимли равишда ташкил этсин;

қишлоқ хўжалиги экинларининг тўлиқ ва сифатли экилишини, агротехник тадбирларнинг ўз вақтида амалга оширилишини замонавий ўлчов воситалари, шу жумладан учувчисиз учиш аппаратларидан (дронлардан) фойдаланган ҳолда доимий мониторинг килиб борсин;

ер майдонларидан самарасиз фойдаланган, қишлоқ хўжалиги экинларини тўлиқ экмаган, агротехник тадбирларни ўз вақтида амалга оширмаган фермер, дехкон хўжаликлари ва томорқа ер эгаларига нисбатан қонун ҳужжатларида белгиланган жавобгарлик чоралари кўрилишини таъминласин.

10. Ўзбекистон Республикаси Адлия вазирлиги фермер, дехкон хўжаликлари ва томорқа ер эгалари билан улгуржи истеъмолчилар, шу жумладан тайёрлов, қайта ишлаш ва экспорт килувчи ташкилотлар, агрофирмалар, савдо харид корхоналари ўртасида шартномалар тузиш ва бажаришда қонунчиликка риоя қилиниши, шартнома интизомини бузганлиги учун тарафларнинг жавобгарликка тортилиши устидан тизимли назорат олиб борсин.

11. Ўзбекистон Республикаси Молия вазирлиги:

2017 йилнинг 1 ноябридан бошлаб фермер хўжаликлари томонидан Кенгашга аъзолик бадаллари тўлаш учун ҳар йили пахта хом ашёси харид нархини ўрнатишда 0,8 фоиз миқдордаги маблағларни назарда тутсин;

Ўзбекистон Республикаси Вазирлар Маҳкамаси ҳузуридаги Қишлоқ хўжалиги маҳсулотларининг давлат хариди ва қишлоқ хўжалигини техника билан жиҳозлашни мақсадли молиялаштириш жамғармаси билан биргаликда Жамғарманинг ҳар йилда шаклланадиган балансида алоҳида бандда мазкур маблағларни ойма-ой акс эттирсин;

Марказий банк, Кенгаш, бошқа манфаатдор вазирлик ва идоралар билан биргаликда икки ой муддатда фермер хўжаликларининг аъзолик бадалини Кенгашга ўтказиш ва тасдикланадиган смета асосида харажат қилиш тартибини ишлаб чиқсин ва белгиланган тартибда тасдиқласин.

12. Ўзбекистон Республикаси молия вазирининг агросаноат комплексига масъул бўлган ўринбосарига қишлоқ хўжалигида тўлов интизомини мустаҳкамлаш, фермер хўжаликларининг молиявий барқарорлигини таъминлаш юзасидан аниқ чоралар кўриш вазифаси юклатилсин.

13. Кенгаш Тошкент шаҳар, Яккасарой тумани, Бобур кўчаси, 4-уй манзилидаги бинога текин фойдаланиш ҳуқуқи билан жойлаштирилсин.

Ўзбекистон Республикаси Молия вазирлиги бир ой муддатда Кенгашга ажратилган бинони таъмирлаш ва жиҳозлаш манбалари юзасидан Вазирлар Маҳкамасига таклиф киритсин.

Қорақалпоғистон Республикаси Вазирлар Кенгаши ва вилоятлар ҳокимликлари Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат қўмитаси билан биргаликда икки ой муддатда фермер, дехкон хўжаликлари ва томорка ер эгалари кенгашларини зарур бинолар билан таъминласин.

14. Ўзбекистон Республикаси Қишлоқ ва сув хўжалиги вазирлиги Адлия вазирлиги, бошқа манфаатдор вазирлик ва идоралар билан биргаликда икки ой муддатда конун ҳужжатларига мазкур қарордан келиб чиқадиган ўзгартириш ва қўшимчалар тўғрисидаги таклифларни Вазирлар Маҳкамасига киритсин.

15. Мазкур қарорнинг ижросини назорат қилиш Ўзбекистон Республикасининг Бош вазири А.Н.Арипов, Ўзбекистон Республикаси Бош вазирининг ўринбосари – қишлоқ ва сув хўжалиги вазири З.Т.Мирзаев ва Ўзбекистон Республикаси адлия вазири Р.Қ.Давлетов зиммасига юклансин.


**Ўзбекистон Республикаси
Президенти**




Ш.Мирзиёев

Тошкент шаҳри


**Ўзбекистон фермер, деҳқон хўжалиқлари ва томорқа ер эгалари кенгашининг
ТАШКИЛИЙ ТУЗИЛМАСИ**



**Ўзбекистон фермер, деҳқон хўжалиқлари ва томорқа ер эгалари кенгаши ижро ашаратининг
ТУЗИЛМАСИ**




**Қорақалпоғистон Республикаси ва вилоятлар фермер, деҳқон хўжаликлари
ва томорқа ер эгалари кенгашлари ижро аппаратининг
НАМУНАВИЙ ТУЗИЛМАСИ**



Худудий кенгашлар ижро аппарати ходимларининг чекланган сони – 6-10 нафар, жами 110 нафар.

Ўзбекистон Республикаси Президентининг
2017 йил “10” октябрдаги ПК–3318-сон қарорига
4-илова

**Туман фермер, деҳқон хўжаликлари ва томорқа
ер эгалари кенгашлари ижро аппаратининг
НАМУНАВИЙ ТУЗИЛМАСИ**



Туман кенгашлари ижро аппарати ходимларининг чекланган сони – 5-9 нафар, жами 1149 нафар.

Ўзбекистон Республикаси Президентининг
2017 йил “10” октябрдаги ПҚ–3318-сон қарорига
5-илова

**Қорақалпоғистон Республикаси ва вилоятлар фермер, деҳқон
хўжаликлари ва томорқа ер эгалари кенгашлари ижро аппаратлари
ходимларининг чекланган сонига нисбатан тоифаланган ҳудудлар
РЎЙХАТИ**

Ҳудудлар		
1-тоифа	2-тоифа	3-тоифа
Андижон вилояти	Қорақалпоғистон Республикаси	Жиззах вилояти
Қашқадарё вилояти	Бухоро вилояти	Навоий вилояти
Наманган вилояти	Сурхондарё вилояти	Сирдарё вилояти
Самарқанд вилояти	Хоразм вилояти	
Тошкент вилояти		
Фарғона вилояти		
6	4	3

1-тоифа – ижро аппарати учун 10 та штат бирликларига қадар миқдор белгиланади (ҳудудий кенгаш раиси – 1, бўлим бошлиғи – 2, бош мутахассис – 5, етакчи мутахассис – 1, ҳисобчи – 1);

2-тоифа – ижро аппарати учун 8 та штат бирликларига қадар миқдор белгиланади (ҳудудий кенгаш раиси – 1, бўлим бошлиғи – 2, бош мутахассис – 4, ҳисобчи – 1);

3-тоифа – ижро аппарати учун 6 та штат бирликларига қадар миқдор белгиланади (ҳудудий кенгаш раиси – 1, бош мутахассис – 4, ҳисобчи – 1).

Ўзбекистон Республикаси Президентининг
2017 йил “10” октябрдаги ПҚ–3318-сон қарорига
6-илова

**Туман фермер, деҳқон хўжаликлари ва томорқа ер эгалари кенгашлари ижро
аппаратлари ходимларининг чекланган сонига нисбатан тоифаланган туманлар
РЎЙХАТИ**

Т/р	Худудлар	1-тоифа	2-тоифа	3-тоифа
1	Қорақалпоғистон Республикаси		Амударё Беруний Қўнғирот Тўрткўл Хўжайли Чимбой Элликқалъа	Қораўзак Кегейли Қонликўл Муйнок Нукус Тахтакўпир Шуманай
2	Андижон вилояти	Андижон Асака Балиқчи Жалакудук Избоскан Марҳамат Шахрихон Олтинкўл Пахтаобод Қўрғонтепа	Булокбоши Хўжаобод	Бўз Улугнор
3	Бухоро вилояти	Жондор Шофиркон Ғиждувон	Бухоро Вобкент Қорақўл Олот Пешку Ромитан	Когон Қоровулбозор
4	Жиззах вилояти	Ш.Рашидов	Ғаллаорол Зомин Бахмал	Арнасой Дўстлик Зарбдор Зафаробод Мирзачўл Пахтакор Фориш Янгиобод
5	Қашқадарё вилояти	Қарши Косон Қамаши Китоб Чирокчи Шахрисабз Яккабоғ	Ғузор Миришкор Нишон Касби	Муборак Деҳқонобод
6	Навоий вилояти		Кармана Қизилтепа Навбахор Хатирчи	Конимех Нурота

7	Наманган вилояти	Косонсой Наманган Поп Тўрақўрган Уйчи Учқўрган Чуст Янгиқўрган	Мингбулок Норин Чорток	
8	Самарканд вилояти	Иштихон Каттакўрган Нарпай Пастдарғом Пайарик Тайлоқ Самарканд Булунгур Ургут	Жомбой Оқдарё Пахтачи	Қўшрабат Нуробод
9	Сурхондарё вилояти	Денов Жарқўрган Кумқўрган	Ангор Музработ Олтинсой Сариосиё Термиз Узун Шеробод Шўрчи Қизирик	Бойсун
10	Сирдарё вилояти		Боёвут Сирдарё Оқолтин Сайхунобод	Гулистон Мирзаобод Сардоба Ховос
11	Тошкент вилояти	Қибрай Янгийўл Зангиота Тошкент	Оққўрган Оҳангарон Бекобод Бўстонлик Бўка Куйичирчик Паркент Пискент Ўртачирчик Чиноз Юқоричирчик	
12	Фарғона вилояти	Бешарик Бағдод Бувайда Дангара Кува Олтиарик Қўштепа Риштон Тошлоқ Ўзбекистон Учқўприк Фарғона	Ёзёвон Фурқат	Сўх Кувасой

13	Хоразм вилояти		Боғот Гурлан Қўшқўпир Урганч Хазорасп Хонка Хива Шовот Янгиарик Янгибозор	
	Жами	57	68	32

1-тонфа – ижро аппарати учун 9 та штат бирликларига қадар миқдор белгиланади (кенгаш раиси – 1, бош мутахассис – 4, етакчи мутахассис – 4);

2-тонфа – ижро аппарати учун 7 та штат бирликларига қадар миқдор белгиланади (кенгаш раиси – 1, бош мутахассис – 4, етакчи мутахассис – 2);

3-тонфа – ижро аппарати учун 5 та штат бирликларига қадар миқдор белгиланади (кенгаш раиси – 1, бош мутахассис – 4).

Ўзбекистон Республикаси Президентининг
2017 йил “10” октябрдаги ПҚ-3318-сон қарорига
7-илова

**Фермер, деҳқон хўжаликлари ва томорқа ер эгалари фаолиятини янада ривожлантириш, уларнинг
экин майдонларидан самарали фойдаланишни ташкил этиш бўйича чора-тадбирлар
ДАСТУРИ**

№	Чора-тадбир номи	Хужжат тури	Ижро муддати	Масъул ижрочилар
I. Фермер, деҳқон хўжаликлари ва томорқа ер эгалари фаолиятининг ҳуқуқий асосларини, уларнинг ҳуқуқлари ва қонуний манфаатларини таъминлашга қаратилган норматив-ҳуқуқий базани янада такомиллаштириш				
1.	Фермер хўжаликлари фаолиятини янада такомиллаштириш, уларнинг ер майдонларидан самарали фойдаланиш, шу жумладан кўп тармоқли фермер хўжаликларининг ҳуқуқий мақомини белгилаш бўйича тегишли қонун ҳужжатларига ўзгартириш ва қўшимчалар киритиш.	Қонун лойиҳаси	2017 йил декабрь	Қишлоқ ва сув хўжалиги вазирлиги (Т.Сафаров), Адлия вазирлиги (Н.Жўраев), Молия вазирлиги (Б.Ходжаев), Иқтисодиёт вазирлиги (С.Бекенов), Давлат солиқ қўмитаси (Э.Гадоев), Кенгаш (Б.Юсупов)
2.	Деҳқон хўжаликлари ва томорқа ер участкаларининг ўзаро фарқли хусусиятларини белгилаш, деҳқон хўжаликлари ва томорқа ер эгаларининг экин майдонларидан самарали фойдаланиш борасидаги масъулиятини ошириш, бу борада фуқароларнинг ўзини ўзи бошқариш органлари томонидан жамоатчилик назорати тизимини кучайтириш юзасидан тегишли қонун ҳужжатларига ўзгартириш ва қўшимчалар киритиш.	Қонун лойиҳаси	2018 йил март	Адлия вазирлиги (А.Ташкулов), Қишлоқ ва сув хўжалиги вазирлиги (Т.Сафаров), Иқтисодиёт вазирлиги (С.Бекенов), Давлат солиқ қўмитаси (Э.Гадоев), Кенгаш (Б.Юсупов), “Маҳалла” фонди (Ш.Жавлонов)
3.	Экин майдонларидан самарали фойдаланишда юқори натижаларга эришган томорқа ер эгаларига солиқ имтиёзлари бериш ва аксинча экин майдонларидан самарали фойдаланмаганларга нисбатан ер солигининг уч баробар оширилган ставкасини қўллаш бўйича тегишли қонун ҳужжатларига ўзгартириш ва қўшимчалар киритиш.	Қонун лойиҳаси	2017 йил декабрь	Молия вазирлиги (Б.Ходжаев), Давлат солиқ қўмитаси (Э.Гадоев), Қишлоқ ва сув хўжалиги вазирлиги (Т.Сафаров), Адлия вазирлиги (Н.Жўраев), Кенгаш (Б.Юсупов)
4.	Фермер, деҳқон хўжаликлари ва томорқа ер эгалари томонидан қишлоқ хўжалиги маҳсулотларини ишлаб чиқариш, сақлаш, қайта ишлаш ва хизмат кўрсатиш соҳаларида ўзаро кооперация муносабатларини жорий этишнинг ҳуқуқий асосларини яратиш.	“Қишлоқ хўжалигида кооперация тўғрисида”ги Қонун лойиҳаси	2018 йил апрель	Қишлоқ ва сув хўжалиги вазирлиги (Т.Сафаров), Иқтисодиёт вазирлиги (С.Бекенов), Адлия вазирлиги (Н.Жўраев), Молия вазирлиги (Б.Ходжаев), Кенгаш (Б.Юсупов)

5.	<p>2018 – 2021 йилларда фермер хўжалиklarини босқичма-босқич кўп тармоқли фермер хўжалиklarига айлантириш бўйича ҳудудий дастурларни фермер хўжалиklари кесимида ишлаб чиқиш ва тасдиқлаш.</p> <p>Ҳудудий дастурлар асосида ишлаб чиқилган республика миқёсидаги дастурларни кўриб чиқиш ва маъқуллаш учун Сенатга киритиш.</p>	Қорақалпоғистон Республикаси Жўкорғи Кенгеси, халқ депутатлари вилоят Кенгаши ва Сенат қарори лойиҳалари	Ҳар йили	Вазирлар Маҳкамаси (<i>З.Мирзаев, Ж.Кўчқоров</i>), Қорақалпоғистон Республикаси Вазирлар Кенгаши, вилоят ҳокимликлари
6.	“Илғор фермер”, “Меҳнаткаш деҳқон” ва “Намунали томорқачи” кўкрак нишонлари таъсис этилиши муносабати билан тегишли низомлар лойиҳаларини ишлаб чиқиш.	Вазирлар Маҳкамаси қарори лойиҳаси	2017 йил ноябрь	Қишлоқ ва сув хўжалиги вазирлиги (<i>Т.Сафаров</i>), Кенгаш (<i>Б.Юсупов</i>)
7.	<p>Чорвачилик, паррандачилик, балиқчилик, мева-сабзавотчилик, асаларичилик ва қишлоқ хўжалигининг бошқа муҳим йўналишларини янада ривожлантириш, фермер хўжалиklarининг бу борадаги фаолиятини мувофиқлаштириш ва самарадорлигини оширишга қаратилган тақлифлар ишлаб чиқиш.</p> <p>Фермер хўжалиklarининг ихтисослашувидан келиб чиқиб улар билан туман ҳокимлиги ўртасида тузиладиган ер ижараси шартномасининг намунавий лойиҳаларини ишлаб чиқиш.</p>	Ўзбекистон Республикаси Президентининг қарорлари лойиҳалари (<i>ҳар бир йўналиш бўйича алоҳида</i>), Намунавий шартнома лойиҳалари	2017 йил ноябрь	Қишлоқ ва сув хўжалиги вазирлиги (<i>А.Ваҳобов</i>), Адлия вазирлиги (<i>А.Ташкулов</i>), Кенгаш (<i>Б.Юсупов</i>)
8.	Фермер хўжалиklarининг экин майдонларидан фойдаланиш самарадорлиги устидан вакиллик назоратини ўрнатишга қаратилган қонун ҳужжатларига тегишли ўзгартириш ва қўшимчалар киритиш.	Қонун лойиҳаси	2017 йил декабрь	Адлия вазирлиги (<i>А.Ташкулов</i>), Кенгаш (<i>Б.Юсупов</i>), “Давергеодезкадастр” кўмитаси (<i>М.Рўзметов</i>)
9.	Фермер хўжалиklarига ижарага берилган ер майдонларидан ноқонуний ва мақсадсиз фойдаланганлик учун жавобгарликни кучайтириш бўйича тақлифлар киритиш.	Қонун лойиҳаси	2017 йил декабрь	Бош прокуратура (<i>У.Суннатов</i>), Адлия вазирлиги (<i>Н.Жўраев</i>), “Давергеодезкадастр” кўмитаси (<i>М.Рўзметов</i>)
II. Фермер, деҳқон хўжалиklари ва томорқа ер эгаларининг молиявий-иқтисодий барқарорлигини таъминлаш, уларнинг тайёрлов, қайта ишлаш, таъминот ва хизмат кўрсатувчи ташкилотлар билан муносабатларида замонавий бозор механизмларини жорий этиш				
10.	Деҳқон хўжалиklари ва томорқа ер эгаларининг сони ва улар ихтиёридаги ер майдонларини хатловдан ўтказиб, маълумотларнинг ягона реестрини шакллантириш.	Чора-тадбирлар дастури	2018 йил октябрь	“Давергеодезкадастр” кўмитаси (<i>А.Абдуллаев</i>), Ахборот технологиялари ва коммуникацияларини ривожлантириш вазирлиги (<i>О.Умаров</i>), Молия вазирлиги

				(<i>Б.Ходжаев</i>), Давлат статистика кўмитаси (<i>Б.Мирусманов</i>), Кенгаш (<i>Б.Юсупов</i>), Қорақалпоғистон Республикаси Вазирлар Кенгаши, вилоят ҳокимликлари
11.	Давлат эҳтиёжлари учун пахта хом ашёси ва бошоқли дон етказиб беришда фермер хўжалиklarининг балансидаги насослар орқали суғоришга сарфланадиган электр энергия ҳаражатларини Насос станциялари, алоқа ва энергетика бошқармалари орқали тўлаш механизмини ишлаб чиқиш.	Вазирлар Маҳкамаси қарори лойиҳаси	2018 йил март	Қишлоқ ва сув хўжалиги вазирлиги (<i>Т.Сафаров</i>), Молия вазирлиги (<i>Б.Ходжаев</i>), Иқтисодиёт вазирлиги (<i>С.Бекенов</i>), “Ўзбекэнерго” АЖ (<i>У.Мустафоев</i>)
12.	Фермер, деҳқон хўжалиklари ва томорқа ер участкаларини суғориш учун доимий равишда етарли миқдорлардаги сув билан таъминлаш, шу жумладан фермер хўжалиklари ва томорқа ер эгалари ўртасида сув етказиб беришга оид шартномавий муносабатларни такомиллаштириш, маҳалалар атрофидаги коллекторларни тозалаш бўйича комплекс чора-тадбирларни амалга ошириш.	Комплекс чора-тадбирлар дастури	Ҳар йили	Қишлоқ ва сув хўжалиги вазирлиги (<i>Ш.Хамроев</i>), Фуқароларнинг ўзини ўзи бошқариш органлари фаолиятини мувофиқлаштириш бўйича республика кенгаши (<i>Ш.Жавлонов</i>), Қорақалпоғистон Республикаси Вазирлар Кенгаши, вилоят ва туман ҳокимликлари, Кенгаш (<i>Б.Юсупов</i>)
13.	2017 йилда Жиззах вилоятида амалга ошириладиган тажриба натижаларидан келиб чиққан ҳолда 2018 йил ҳосилидан бошлаб республика бўйича пахта йиғим-теримида иштирок этувчи ишчиларнинг иш ҳақи фондига нисбатан ҳисобланадиган ягона ижтимоий тўловни бекор қилиш.	Норматив-ҳуқуқий ҳужжат лойиҳаси	2018 йил май	Қишлоқ ва сув хўжалиги вазирлиги (<i>Т.Сафаров</i>), Молия вазирлиги (<i>Б.Ходжаев</i>), Иқтисодиёт вазирлиги (<i>С.Бекенов</i>)
14.	Боғдорчилик, узумчилик, сабзаот-полизчилик, чорвачилик йўналишларида фаолият юритувчи фермер, деҳқон хўжалиklари ва томорқа ер эгалари учун зарур техника воситалари (минитехникалар) ишлаб чиқариш турлари ва ҳажмларини ошириш ҳамда уларни имтиёзли шартларда лизинг асосида етказиб бериш тизимини такомиллаштириш.	Комплекс чора-тадбирлар дастури	2017 йил ноябрь	“Ўзагротехсаноатхолдинг” АЖ (<i>М.Шерматов</i>), Қишлоқ ва сув хўжалиги вазирлиги (<i>А.Вахабов</i>), Иқтисодиёт вазирлиги (<i>С.Бекенов</i>), Марказий банк (<i>Т.Ишметов</i>)
15.	Фермер, деҳқон хўжалиklари ва томорқа ер эгаларига ёнилғи-мойлаш материаллари, минерал ўғитлар, ўсимликларни химоя қилиш воситалари, уруғлик ва кўчатларни етказиб бериш тизимини янада такомиллаштириш.	Комплекс чора-тадбирлар дастури	2017 йил декабрь	Қишлоқ ва сув хўжалиги вазирлиги (<i>А.Вахабов</i>), Иқтисодиёт вазирлиги (<i>С.Бекенов</i>), “Ўзкимёсаноат” АЖ (<i>А.Абдуллаев</i>),

				“Ўзагрокимёҳимоя” АЖ (У.Ахунов), “Ўзнефтмаҳсулот” АК (М.Файзиев), “Ўзбекизоқовқатхолдинг” ХК (Т.Жалилов), Кенгаш (Б.Юсупов)
16.	Барча қишлоқ туманларида фермер, деҳқон хўжаликлари ва томорқа ер эгалари томонидан етиштирилган қишлоқ хўжалиги маҳсулотларини харид қилиш тизимини такомиллаштириш.	Ўзбекистон Республикаси Президентининг қарори лойиҳаси	2017 йил ноябрь	“Ўзбекизоқовқатзаҳира” уюшмаси (З.Файзиев), “Ўзбекизоқовқатхолдинг” ХК (Т.Жалилов), “Ўзвинсаноат-холдинг” ХК (Ш.Рахимов)
17.	Қишлоқ хўжалиги экинлари, айниқса, пахта ва бошоқли дон жойлаштириладиган ер майдонлари бўйича маълумотларнинг ягона электрон базасини шакллантириш ва янгилаб бориш.	Маълумотлар базаси	2018 йил май	“Давергеодезкадастр” кўмитаси (Т.Абдуллаев), Ахборот технологиялари ва коммуникацияларини ривожлантириш вазирлиги (О.Умаров), Қишлоқ ва сув хўжалиги вазирлиги (А.Вахабов), Қорақалпоғистон Республикаси Вазирлар Кенгаши, вилоят ва туман ҳокимликлари
18.	Давлат эҳтиёжлари учун пахта хом ашёси ва бошоқли дон сотиш бўйича шартномавий режа сурункали бажарилмаган ҳудудларда режанинг бажарилмаслик сабабларини таҳлил қилиш ва иқтисодий самара берадиган экин турларини жойлаштириш бўйича таклифлар тайёрлаш.	Комплекс чора-тадбирлар дастури	2017 йил декабрь	Қишлоқ ва сув хўжалиги вазирлиги (А.Вахабов), “Давергеодезкадастр” кўмитаси (Т.Абдуллаев), Кенгаш (Б.Юсупов), Қорақалпоғистон Республикаси Вазирлар Кенгаши, вилоят ва туман ҳокимликлари
19.	Фермер, деҳқон хўжаликлари ва томорқа ер эгаларининг таклифлари асосида қишлоқ хўжалиги маҳсулотларини етиштириш ва сотишнинг прогноз ҳажмларини белгилаш, улар билан тайёрлов, қайта ишлаш ва экспорт қилувчи ташкилотлар, агрофирмалар, савдо харид корхоналари ва бозор маъмурияти ўртасида шартнома тузиш ишларини ташкил этиш ва тузилган шартномаларнинг бажарилишини мониторинг ва назорат қилиш тартиби тўғрисида низом лойиҳасини ишлаб чиқиш.	Вазирлар Маҳкамасининг қарори лойиҳаси	2017 йил декабрь	Адлия вазирлиги (А.Ташиқулов), Қишлоқ ва сув хўжалиги вазирлиги (Т.Сафаров), “Давергеодезкадастр” кўмитаси (Т.Абдуллаев), “Ўзбекизоқовқатзаҳира” уюшмаси (З.Файзиев), “Ўзбекизоқовқатхолдинг” ХК (Т.Жалилов), “Ўзвинсаноат-холдинг” ХК (Ш.Рахимов), Фуқароларнинг ўзини ўзи бошқариш органлари фаолиятини мувофиқлаштириш бўйича республика кенгаши (Ш.Жавлонов), Кенгаш (Б.Юсупов)

20.	Агрофирмаларнинг фермер, деҳқон хўжаликлари ва томорқа ер эгалари билан ўзаро муносабатларини янада ривожлантириш, агрофирмаларнинг фаолиятини тубдан яхшилаш бўйича комплекс чора-тадбирлар ишлаб чиқиш.	Комплекс чора-тадбирлар дастури	2017 йил декабрь	Қишлоқ ва сув хўжалиги вазирлиги (Т.Сафаров), “Ўзбекозиковқатхолдинг” ХК (Т.Жалилов), “Ўзвинсаноат-холдинг” ХК (Ш.Рахимов), Кенгаш (Б.Юсупов), Қорақалпоғистон Республикаси Вазирлар Кенгаши, вилоят ва туман ҳокимликлари
21.	Тайёрлов ташкилотларининг қабул қилиш масканларидаги лабораторияларида мавжуд бир томонлама ёндашиш билан боғлиқ муаммоларни бартараф этиш, бунда фермер хўжаликлари манфаатларини ҳимоя қилиш механизмини такомиллаштиришга қаратилган таклифлар ишлаб чиқиш.	Вазирлар Маҳкамасининг қарори лойиҳаси	2018 йил февраль	Қишлоқ ва сув хўжалиги вазирлиги (Т.Сафаров), Ўздавдонинспекция (З.Абидов), “Ўзстандарт” агентлиги (А.Каримов), “Сифат” маркази (Х.Умархўжаев), Кенгаш (Б.Юсупов)
22.	Фермер, деҳқон хўжаликлари ва томорқа ер эгаларига қишлоқ хўжалиги маҳсулотларини етиштириш ва қайта ишлаш бўйича инновацион лойиҳаларни амалиётга татбиқ этиш ва улардан самарали фойдаланишни ташкил этишда, замонавий банк хизматларини кўрсатишда фермер, деҳқон хўжаликлари ва томорқа ер эгалари кенгашлари билан ҳамкорлик қилиш.	Чора-тадбирлар	Мунтазам равишда	“Агробанк” АТБ (С.Хаджаев), Кенгаш (Б.Юсупов)
23.	Интернет тармоғида қишлоқ хўжалиги ишлаб чиқарувчиларига ўз маҳсулотларини сотиш, хизматлар кўрсатиш ва ахборотлар олишда электрон тижоратни амалга ошириш имкониятини берадиган махсус дастурий таъминотни яратиш.	Дастурий таъминот	2018 йил апрель	Ахборот технологиялари ва коммуникацияларини ривожлантириш вазирлиги (О.Умаров), Қишлоқ ва сув хўжалиги вазирлиги (Т.Сафаров), Кенгаш (Б.Юсупов)
III. Фермер, деҳқон хўжаликлари ва томорқа ер эгаларининг ҳуқуқ ва қонуний манфаатларини ҳимоя қилиш, уларнинг ер майдонларидан самарали фойдаланишда вакиллик ва жамоатчилик назоратини амалга ошириш тизимини янада ривожлантириш				
24.	Фермер хўжалиқларининг ихтисослашувидан келиб чиқиб, уларга ажратилган ер участкаларидан фойдаланиш самарадорлигини ҳар чоракда халқ депутатлари туман Кенгашларида муҳокама қилиб бориш ва тегишли чоралар кўриш.	Халқ депутатлари туман Кенгашларининг қарорлари	Ҳар чорак якунидан кейинги ойнинг 5 санасигача	Қорақалпоғистон Республикаси Жўқорғи Кенгеси, халқ депутатлари вилоят ва туман Кенгашлари, Кенгаш (Б.Юсупов)
25.	Деҳқон хўжаликлари ва томорқа ер эгаларининг экин майдонларидан фойдаланиш самарадорлигини ҳар ойда фуқароларнинг ўзини ўзи бошқариш органларида муҳокама	Фуқароларнинг ўзини ўзи бошқариш	Ҳар ой якунидан кейинги	Фуқароларнинг ўзини ўзи бошқариш органлари фаолиятини мувофиқлаштириш бўйича

	қилиб бориш ва тегишли чоралар кўриш.	органларининг қарорлари	ойнинг 5 санасигача	республика кенгаши (<i>Ш.Жавлонов</i>), Қорақалпоғистон Республикаси Вазирлар Кенгаши, вилоят ва туман ҳокимликлари, Кенгаш (<i>Б.Юсупов</i>)
26.	Туман фермер, деҳқон хўжаликлари ва томорқа ер эгалари кенгашлари ҳузурида фермер, деҳқон хўжаликлари ва томорқа ер эгаларига комплекс хизмат кўрсатиш марказлари фаолиятини йўлга қўйиш.	Комплекс чора-тадбирлар дастури	2017 йил декабрь	Кенгаш (<i>Б.Юсупов</i>), Қишлоқ ва сув хўжалиги вазирлиги (<i>Т.Сафаров</i>), Марказий банк (<i>Т.Ишметов</i>), Қорақалпоғистон Республикаси Вазирлар Кенгаши ва вилоят ҳокимликлари
27.	Фермер хўжалиги юритиш учун ер участкалари ажратишда қишлоқ хўжалиги ва фермерлик соҳаси бўйича мутахассисликка эга бўлган ёшларга имтиёзлар жорий этиш бўйича норматив-ҳуқуқий ҳужжатларга тегишли ўзгартиш ва қўшимчалар киритиш.	Норматив-ҳуқуқий ҳужжат лойиҳаси	2018 йил январь	Қишлоқ ва сув хўжалиги вазирлиги (<i>Т.Сафаров</i>), Кенгаш (<i>Б.Юсупов</i>), Ўзбекистон ёшлар иттифоқи (<i>О.Таджиев</i>), Иқтисодиёт вазирлиги (<i>С.Бекенов</i>), Адлия вазирлиги (<i>А.Ташкулов</i>)
28.	Фермер, деҳқон хўжаликлари ва томорқа ер эгалари кенгашлари томонидан Ўзбекистон ёшлар иттифоқи билан биргаликда ёшларга фермер ва деҳқон хўжалиги юритиш учун ер участкалари ажратиш ҳақида ер участкаларини бериш (реализация қилиш) масалаларини кўриб чиқиш бўйича туман комиссиясига тавсиялар бериш механизмини белгилаш.	Норматив-ҳуқуқий ҳужжат лойиҳаси	2017 йил ноябрь	Кенгаш (<i>Б.Юсупов</i>), Ўзбекистон ёшлар иттифоқи (<i>О.Таджиев</i>), Адлия вазирлиги (<i>А.Ташкулов</i>)
29.	Фермер, деҳқон хўжаликлари раҳбарлари ва томорқа ер эгаларининг малакасини ошириш ва қайта тайёрлаш юзасидан қишлоқ хўжалигига ихтисослашган олий ва ўрта махсус таълим муассасалари қошида қисқа муддатли ўқув курсларини ташкил этиш. Ушбу муассасаларда замонавий агротехнологияларни қўллаш бўйича тажриба ер участкаларини ташкил этиш.	Чора-тадбирлар дастури	2017 йил ноябрь	Олий ва ўрта махсус таълим вазирлиги (<i>М.Холмухамедов</i>), Қишлоқ ва сув хўжалиги вазирлиги (<i>А.Вахабов</i>), Кенгаш (<i>Б.Юсупов</i>)
IV. “Томорқа –қўшимча даромад манбаи!” шиорини қишлоқ аҳолиси орасида кенг тарғиб қилиш				
30.	Фармон мазмун-моҳиятини оммавий ахборот воситаларида кенг тарғиб қилиш мақсадида туркум телекўрсатувлар, радио эшиттиришлар ва босма матбуотда чиқишлар ташкил этиш.	Қўшма дастур	Мунтазам равишда	МТРК (<i>А.Ходжаев</i>), ЎЗА (<i>М.Хазратқулов</i>), Матбуот ва ахборот агентлиги (<i>Л.Тангриев</i>), ЭОАВМА (<i>Ф.Абдухаликов</i>), Кенгаш (<i>Б.Юсупов</i>)

31.	Қишлоқ хўжалиги соҳасида фуқароларнинг билим ва кўникмаларини оширишга қаратилган телекўрсатувларни намойиш этадиган ихтисослашган телеканал ташкил этиш бўйича таклиф киритиш.	Таклиф	2017 йил декабрь	МТРК (А.Ходжаев), Қишлоқ ва сув хўжалиги вазирлиги (А.Вахабов), Кенгаш (Б.Юсупов)
32.	Фермер, деҳқон хўжаликлари ва томорқа ер эгалари томонидан экин майдонларидан самарали фойдаланиш, деҳқончилик маданиятини юксалтиришга қаратилган конференциялар, давра суҳбатлари ва семинар-тренинглар ташкил этиш.	Қўшма дастур	Мунтазам равишда	Кенгаш (Б.Юсупов), Қишлоқ ва сув хўжалиги вазирлиги (А.Вахабов), “Давгеодезкадастр” кўмитаси (М.Рўзметов), Адлия вазирлиги (А.Ташкулов), Қорақалпоғистон Республикаси Вазирлар Кенгаши ва вилоят ҳокимликлари
33.	Қишлоқ туманларида фермер, деҳқон хўжаликлари ва томорқа ер эгалари иштирокида Кенгашнинг мақсад ва вазифаларини тушунтириш ишларини амалга ошириш юзасидан тарғибот тадбирларини ўтказиш.	Қўшма дастур	2017-2018 йиллар	Кенгаш (Б.Юсупов), Қишлоқ ва сув хўжалиги вазирлиги (А.Вахабов), Адлия вазирлиги (Н.Жўраев), “Давгеодезкадастр” кўмитаси (М.Рўзметов), Қорақалпоғистон Республикаси Вазирлар Кенгаши ва вилоят ҳокимликлари
34.	Интернет тармоғи, хусусан ижтимоий тармоқларда қишлоқ хўжалиги соҳасида аҳолининг билим ва кўникмаларини ошириш, экин майдонларидан самарали фойдаланиш, деҳқончилик маданиятини юксалтириш ва соҳада инновацион технологияларни қўллашга қаратилган илмий материаллар, мобил иловалар ва роликлар жойлаштириш.	Чора тадбирлар дастури	2017-2018 йиллар	Кенгаш (Б.Юсупов), Ахборот технологиялари ва коммуникацияларини ривожлантириш вазирлиги (О.Умаров), “Давгеодезкадастр” кўмитаси (М.Рўзметов), “Маҳалла” фонди (Ш.Жавлонов), Қорақалпоғистон Республикаси Вазирлар Кенгаши ва вилоят ҳокимликлари

